

Hein snackt över Lebenshölp, Iesvogel un de Angler

24. Januar 2011 | 00:10 Uhr | von Hein ut Schenefeld

SCHENEFELD. Wenn wi ok all Januar 2011 schrieben doht, so giff dat doch noch genuch öwer de letzten Doog vunt oole Johr to vertelln.

In Dezember broch uns Theoter Schenefeld an süss Doogen dat Märken "**Froschkönig**" vun de Breuder Grimm op de Bühn vunt Forum. De veeln Tokiekers weern begeistert vun sowatt scheunes, smucke Kleder, smucke Gesichder. De Pogg (Frosch) speelte Hendrik Löwenberg, de Prinzessin Janina Lanker. Neben Erwassenen weern as Poggen Deerns vunt Ballettstudio Beate Schüßler-Preuß. De Opfehrungen worrn vun de Beseukers good annohm, weern begeistert.

Börgermeisterin Christiane Küchenhof öwergeev Deelnemers vun denn ersten **Türkisch-Gemeenkursus** Tügnisse. Dormit hebbt se de Chance, een dütschen Pass to bekohm.

To dat grotordige **Sinfoniekonzert** mit dat Stephanskark-Orchester harrn sick veele Beseukers infunn. Uns Heimatzeitung hett utfehrli doröwer schreben. Dat geev veel Biefall, Bleum för denn Dirigenten Gints Racenis un för de Solistin.

De Schenefelder **Lebenshölp** hett dat nich so lich, so worrn uns dat wies makt bie ernn Mitgliederdreep. Hunnert Beseukers harrn sick in dat Gemeenhuus vun de Paulskark infunn. De Vereen besteiht ut 700 Mitglieder un 310 Hölpers. Mit 368 dusend Euros in Minus worrn för dat Johr 2009 afsloten, bestimmt keen Pappensteel. Sworre Opgoven för denn Vörstand Lebenshölp Walter Schönau, Michael Freundt un Dr. Frank Claasen. Se ward verseuken ditt Minus dörchn Grundstücksverkoop uttogliken, vielleicht 2011 woller een Plus vörwiesen.

Ich finn dat datt richdi, wenn Lüüd in Düstern passende Kleding anhebbt um beter in Sicht to kohm. So hett letztens de **ADAC-Stiftung** geele Jacken för Kinner ut de Grundschool Altgemeen sponsert.

De Schenefelder "**Ledertofel Frohsinn**" mit ernn Chorvörstoher Werner Achs bringt bi jede Gelegenheit wenn dat sien mutt, Leder tohn Besten. Bi ernn Vereenstosohmkohm, kott för Wiehnachden, tosohm mit erre Fruuns int Hotel Klövensteen geev dat veel to vertelln. De Vörsidder vun "Frohsinn" sprook sien Dank ut fört mitmoken, worrn sick overs högen wenn noch wiedere Mannlüüd sick denn Vereen to Verfeugung stelln worrn, de bitherigen Singers kohmt in de Johnn, de Nowuss fehlt. Jeder kann singn, hett ne Stimm de ankummt, verseukt dat mol, meldt sick bi de Ledertofel.

No 20 Johrn Tied fierten de Schenefelder Angler tohn eersten mol woller een Anglerball int Sportlerrestaurant. Anglerkeunig worrn tohn achten mol Peter Fredeland. De Best vun de Heranwassenden worrn Janika Fredeland. Dat Vörstandsmitgled Gerhard Pitzke bekehm eene Urkunn un harr noch dat Glück an dissen Obend bi de Tombola een Fernseher to gewinn. Bit in de Freuh worrn danzt. Man harr sien Vergneugen, wie de stellvertretende Vörsidder Hans-Peter Sieg meente.

Wer veel för de Natur öwer hett kunn sick högen öwer de Hölp vun Meike un Stefan Friedrich, se sett sick in för dat fastmoken vun Brutstelln för denn **Iesvogel** an de Kant vun denn Friedrichshulder See. De Iesvogel is utteekt as "Vogel des Jahres 2009". Hier to hölpn is richdi. Opp dat hier nu würkli dissen bunten Vogel giff, kann man nich so genau seggn. Een Hölp is ower so oder so anbrocht. Vielleicht bekommt man dissen Vogel 2011 mol to sähn.

Luise Puttfarcken ut Schenefeld mokte dat Abi un stellte sick för **een Johr friewilli** in eene School för gesitig Behinnerte in Kenia to Verfeugung. Se wohnt in Membasa mit Sarah, de hier ok friewillig arbeitet in eene Wohnung tosohm. Eene goode Tat, man kann nich genuch godes dohn.

Dr. Christine Quellmann un Martina Radloff hebbt een **Schenefelder Kookbook** tosohm stellt. Veele Börgers kunn hier egene Kook- un Backrezepte inbringen un nu hoopt wi, vör alln Dingn de sick hier inbrocht hebbt ok gelegentlich hier mol rintokieken. Ich freu mi all mol to sähn watt Börgers so brocht hebbt.

Wie jedet Johr geev dat ne **Kaffeetofel för Senjorn** int Sportlerrestaurant. Öwer 400 Börgers nehm doran deel. Organiseert weer did allns vun denn Börgervereen. De Vörsidderin Edelgard Reiche vertellte dat öwer 16 hunnert Schenefelder inlodt worrn, bedankte sick bi de Sponsorn för denn Kaffee un de Koken, sowie för jeden Deelnemer een Präsent. Dank an all de friewilligen Hölpers. Een godet Johr 2011, blievt oder ward gesund, de Meenung is